

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 10. stav 4. Zakona o poticanju razvoja male privrede („Službene novine Zeničko-dobojskog kantona“, broj: 7/16 i 7/20), a u skladu sa članom 4. stav (7) Pravilnika o postupcima u provođenju programa razvoja male privrede za period od 2021. do 2024. godine („Službene novine Zeničko-dobojskog kantona“ broj: 14/21), na prijedlog Ministarstva za privredu/gospodarstvo, Vlada Zeničko-dobojskog kantona, na 33. sjednici, održanoj dana 25.08.2023. godine, d o n o s i

ODLUKU

o izboru banke za plasman kreditne linije uz subvencioniranje dijela kamate od strane Ministarstva za privredu/gospodarstvo za MSP koja posluju na području Zeničko-dobojskog kantona za 2023. godinu

Član 1.

(Predmet)

Za plasman kreditne linije uz subvencioniranje dijela kamate od strane Ministarstva za privredu/gospodarstvo subjektima male privrede (MSP) koja posluju na području Zeničko-dobojskog kantona za 2023. godinu bira se ZIRAAT BANK, S.M.Serdarevića 21a, 72 000 Zenica, s ponudom zaprimljenom kod Ministarstva za privredu/gospodarstvo Zeničko-dobojskog kantona pod brojem: 04-11-9736, broj registracijskog protokola 1482, od 03.07.2023. godine.

Član 2.

(Zaključenje ugovora)

(1) Ovlašćuje se ministar Ministarstva za privredu/gospodarstvo da sa izabranom bankom iz člana 1. ove odluke, zaključi Ugovor o plasmanu kreditne linije uz subvencioniranje dijela kamatne stope iz sredstava Budžeta Zeničko-dobojskog kantona za 2023. godinu subjektima male privrede koji posluju na području Zeničko-dobojskog kantona.

(2) Ukoliko izabrana banka iz člana 1. ove odluke, ne prihvati zaključenje Ugovora o plasmanu kreditne linije, Ugovor će se ponuditi pod istim uvjetima narednom rangiranom ponuđaču sa Rang liste utvrđene od strane Komisije za odabir banke za plasman kreditne linije uz subvencioniranje dijela kamate od strane Ministarstva za privredu/gospodarstvo za MSP koja posluju na području Zeničko-dobojskog kantona za 2023. godinu koji prihvati uvjete iz ponude koju je dostavila izabrana banka.

Član 3.

(Ekonomski kod)

Sredstva za subvencioniranje dijela kamatne stope od strane Ministarstva za privredu/gospodarstvo osigurana su u Budžetu Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23) u razdjelu 18 - Ministarstvo za privredu/gospodarstvo, budžetska organizacija 01, potrošačka jedinica 0001, ekonomski kod 614500–Subvencije privatnim poduzećima i poduzetnicima u iznosu 300.000,00 KM (slovima: tristotinetisuća konvertibilnih maraka).

Član 4.

(Prijenos sredstava)

Sredstva iz člana 3. ove odluke, prenijet će se na namjenski depozit otvoren kod Banke iz člana 1. ove odluke najkasnije u roku od 30 (trideset) dana, računajući od dana potpisivanja ugovora.

Član 5.
(Provođenje Odluke)

Za realizaciju ove odluke zadužuju se Ministarstvo za privredu/gospodarstvo i Ministarstvo financija, svako u okviru svoje nadležnosti.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-13250/23
Datum, 25.08.2023. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu/gospodarstvo,
1x Ministarstvo financija,
1x „Službene novine Zeničko-dobojskog kantona”,
1x a/a.